



國家清史編纂委員會・文獻叢刊

續編

清代稿鈔本

第九四冊

國家清史編纂委員會・文獻叢刊

續編

清代稿鈔本

第九四冊

廣東省立中山圖書館
中山大學圖書館

編

主編 桑兵
副主編 李昭醇

程煥文

廣東省出版集團
廣東人民出版社
· 廣州 ·

第九四冊目錄

雲南全省財政說明書

.....

雲南全省財政說明書

經濟學會鉛印本

廣東省立中山圖書館藏

財政學

經濟學會

雲貴總督部堂李 札行雲南清理財政局文

爲札行事宣統二年十月初八日接准

度支部歌電開財政說明書希飭局印刷成帙並迅速送部百分備核等因到本督部堂准此合亟札行爲此札仰該局迅即查照辦理特札

雲貴總督李 咨送說明書文

爲咨送事據雲南清理財政局司道詳稱案查清理財政章程第四條內開調查該省財政沿革利弊分別門類編成詳細說明書送部查核又第十條內開清理財政局應將該省財政利如何興弊如何除何項向爲正款何項向爲雜款何項向係報部何項向未報部將來劃分稅項時何項應屬國家稅何項應屬地方稅分別性質酌擬辦法編訂詳細說明書送部候核前項說明書限至宣統二年六月底陸續咨送到部各等因卽經移行省內外各衙門局所遵照辦理在案惟是本局於上年四月開辦已較他省爲遲適值春夏報告期限至迫不能不先其所急通力合作迨兩季冊成瞬屆冬令檢核各屬報到書牘匪雜則略無從彙編爰派員分赴各署局調取文卷悉心查閱摘要抄錄風雨晦明閱時無間調查既竣迺議編纂集合羣力分類組織芟除蕪雜貫穿條文督同各員昕夕矻矻幸於本年六月依限告成遵照部頒條款并參酌本省情形分爲入出兩門入款分爲十類一協款二田賦三鹽茶稅課四關稅五雜稅六釐金七捐輸八官業凡雜款十雜收出款分爲十二類一解款二行政總費三交涉費四民政費五財政費六典禮費七教育費八司法費九軍政費十實業費十一交通費十二工程費排比成書總散列表都爲八冊并以例言竊維預備立憲以清理財政爲最要而清理財政則以逐款說明爲最難夫以複雜繁重向未清釐之事月要歲會舊例徒循山積塵封棼絲孰理問兵刑錢穀當官者豈盡能知環府史胥

徒忘祖者難以悉數又况全省曾遭兵燹昆池猶見刳灰斷簡殘篇既苦首尾之不具新章舊案又嫌頭緒之太繁或數目徒存而羌無故實或文書轉寫而屢易名稱欲逐項盡溯其源流必全檔徧搜其罅漏雖鉤元提要不致費筆墨於鈔胥而削蔓斬枝實已疲精神於故紙此調查之難也滇本瘠區財源素絀軍興以後需用日增憲政進行尤爲繁費於是騰挪借抵有同補屋之牽蘿實報融銷不嫌削足以就履言庫款則搜羅已罄盼鄰協則呼籲皆窮兼以從前出納多途事權不一入則展轉移解出則雜湊撥支必合數署之卷宗始得一款之原委調章程而檢核時時有增減之文按色目以鉤稽處處有參差之數如賦稅本垂經制而頻經蠲免幾無定額之可言廉俸原係通章而疊次扣攤有似空名之徒具枝節聲叙則傷於煩籠統率書又病其渾此編訂之難也差幸考之掌故證以耳聞徧事搜尋具得要領一數不合則駁詰至於再三連類以求與報告互相表裏聚一室以集議有若研經合羣策以彙編儼同續志雖癥瘕所在猶未能剖析利弊於毫芒而本末粗完或可爲改良收支之張本并查滇省財政自勻定司道公費成立財政公所後化私爲公統散於一漸已秩然就緒至於一切應辦事宜自當按照部章隨時稟承接續調查切實經理此尤本局所應督飭局員熟籌細核兢兢刻厲不敢稍寬者也所有財政說明書依限編成緣由理合具文詳請俯賜查核咨送 度支部備案等情到本督部堂據此相應咨送爲此咨請

貴部查照備案須至咨呈者

雲南全省財政說明書 咨文

雲南清理財政局調查全省財政說明書初稿

例言

一是書分別門類係遵照 部頒調查條款並就本省報告冊所列事例參酌編訂其有有款無項有項無目者各循其實不爲強分

一滇省因遭兵燹道咸年間檔卷無存其中款項多有原委不明或稍具沿革而不甚詳備者是書均未敢臆斷姑以存闕惟於書內聲明此款係據某年移交冊內開或實係毫無根據之款則直書之曰無案可稽

一出款內有數項悉歸一款支出而又零星散布者不另立項目但臚舉於一款之內俾稽核一款卽知各項悉歸納其中以省文牘而便鈎考

一各處入款有轉解轉發如糧庫鹽庫轉解藩庫又由藩庫轉發之類均從其原人之所詳列原委他處不再編入以避複雜

一本省特有之款既分別性質依類編叙而數目有前後參差者則據現數爲斷

一滇省財政奇窘入款則常多帶欠出款又萬難節省無論臨時之收支不能預定即經常之額數亦時有增減甚至上月甫經定案而下月又復改章者篇中所舉係就檔案中之有成數者而言非專指宣

統元年實入實出之數故不能與預算表一一符合

一每款皆注重原委俾瞭然於所用之是否確實藉以窺見利弊爲改良收支張本不僅專注數目蓋數目係屬活動即以鹽務入款論正溢課年年造銷無論如何爲難必足其數而隨鹽抽收之團路等費近因銷路大滯商欠纍纍斷不能恃爲額收的款至如田賦釐金等類天時歲事都無一定然經制具在參以每季報告則增損無不瞭然矣

一凡有款項但列經常不列暫款即如工程一類近來開練陸軍建築購備各費需用浩繁概係專案奏明工竣報銷此時再列已爲陳案既無利弊之可言又無原委之可指故從刪簡

一雜捐一類僅有馱捐街燈捐兩項爲數無多併附於雜款之內至各屬就地捐提之租石斗稱各款以充本地學警自治諸務之用者別於地方收入表內叙列

一各府廳州縣地方及各衙門收入各項名目繁碎另列雜收入一類以包舉之（如盈餘規費等款均列作衙門收入）

一軍政費類叙巡防營較詳新軍較略因滇省第十九鎮所轄之協標附屬各營悉照 部章編配餉有定額其每月領支之數另有季冊據實報告現又設有陸軍調查財政局應仍由該局專案說明辦理一報告原冊有將各數分列者其原因實出於一途則合而申明之如各有原因則照原冊編叙

一有同係一款以之出即以之入既分歲入歲出兩門則不能偏略書中一款兩見或連類而數見者非複也似可藉資彼此考證以求真際

一數目既繁書難盡言者而關係又屬甚重則於正書詳其原委後列表以明之免致挂一漏萬

一書內遇款聲叙原委有語意應申明者則於書後另加按語並於散數後結一總數各表內附記亦同一書中資料皆取材於各處報告及各署局所檔案頭緒紛煩調查難徧其中疏忽缺略之點實所難免應仍由局續查確實隨時更正

雲南全省財政說明書 例言

四

雲南清理財政局調查全省財政說明書初稿總目

歲入

第一類 協款

第二類 田賦

第三類 鹽茶稅課

第四類 關稅

第五類 雜稅

第六類 釐金

第七類 捐輸

第八類 官業

第九類 雜款

第十類 雜收入

歲出

第一類 解款

雲南全省財政說明書 總目